

Musical: la Mújiga de Badia adöm al Sorvisc ai Jogn Val Badia Ves inviëia al teater musical "Ujöp da Oies", che gnarä porté dant sön paladina alaleria, dlungia la dljia da Oies, ciamó ai **31 de messé, dales 21:00**. Les chertes d'entrada y les infos pon cialé sot a www.musicaloies.it y al nr. 3715688564.


Cörs dla Val Badia: Stimada comunité. Ti ultimi mëisc él dër chersciü i cosc te n gröm de seturs primars dla vita: mangiaria, scialdé, forza eletrica, benzin y d'ater. Tan che cotan de families n'é nia plü bunes da fá frunt a dötes les spëises. Le proiet "Cörs dlaVal Badia" ó ti sté dlungia, y chël podunse ma fá cun osc aiüt. Sc'i l'aratëis de valüta, periunse bel do na spënora, ch'i podëis fá sön le cunt IBAN: IT29V 08010 58180 000302018519. Danfora bel dilan.

Pice marcé dles monies: en jöbia, ai 4 de agost él dan dljia monies dla Bielorussia che vën icones y articoli religios. Ci che vëgn trat ite vá a opres de bëgn.

Curs por s'arjigné ca al ejam de trilinguism: le Sorvisc ai Jogn pïta, en colaboraziun con l'Istitut Ladin Micurá de Rù, dai 22 - 26 d'agost le „Curs por s'arjigné ca al ejam de trilinguism“. Tó pert po vigni jonn y vigni jona dai 16-30 agn. L'orar é tres dales 19:30 - 21:00 y le cost é de 20€. Iscriziuns cina ai 15 d'agost sot a www.proiec.org

Al vëgn chirí presidënc/tes de seziun y cumpëdausc: düc i zitadins cun le dërt da lité á la poscibilité da dé jö la domanda por gní scric ite tla lista di presidënc de seziun o di cumpëdausc por lites desvalies. Por gní scric ite sciöche presidënt/a de seziun pón dé jö la domanda cina ai 31 d'otober 2022 y por gní scric ite sciöche cumpëdausc cina ai 30 de novëmber 2022. Le formular por la domanda cialfun tl ofize lital dl Comun de Badia. Por informaziuns präibel cherdé sö le numer 0471/838232.

Impressum: Ploania, redaziun Cristina Frena
Comunicaziun cina jöbia sëra a parrocchiabadia@libero.it o frencris49@gmail.com
Download plata: www.valbadiaonline.it/comunitè/unitèpastoralavalbadia/ploania-badia



Plata dla Ploania Badia

San Iaco - San Linert

Ploan: Siur Iaco Wendelin Willeit
Cell. 347 909 4532

Calonia Badia: 0471/839571

E-Mail: parrocchiabadia@libero.it

Radio dla Ploania: 91,10 Mhz

UNITÉ PASTORALA



www.unitepastorala.org

Ann „C“ 31.07. – 07.08.2022 XVIII° Domënia Tëmp Ordinar n. 36



Demolirò i miei magazzini e ne costruirò altri più grandi e vi raccoglierò tutto il grano e i miei beni.

Vangelo della prossima Domenica - 19° dell'Anno "C" forma breve Lc 12,35-40

In quel tempo, Gesù disse ai suoi discepoli: «Siate pronti, con le vesti strette ai fianchi e le lampade accese; siate simili a quelli che aspettano il loro padrone quando torna dalle nozze, in modo che, quando arriva e bussa, gli aprano subito. Beati quei servi che il padrone al suo ritorno troverà ancora svegli; in verità io vi dico, si stringerà le vesti ai fianchi, li farà mettere a tavola e passerà a servirli. E se, giungendo nel mezzo della notte o prima dell'alba, li troverà così, beati loro! Cercate di capire questo: se il padrone di casa sapesse a quale ora viene il ladro, non si lascerebbe scassinare la casa. Anche voi tenetevi pronti perché, nell'ora che non immaginate, viene il Figlio dell'uomo».

FUNZIUNS SACRES

31.07. **18^a DOMÈNIA dl ANN C**

- 10.00 **Mëssa por la Comunité**
†to Davide Valentin
†ti Nazio y Tarina Pizzinini
- 18.00 †to Manfred Moling - aniversar
†ti Gottfried, Robert y Roswitha Burchia
por les families Dapunt de Sotvalgiarei en reingraz.

02.08. Mertesc – **S. Scebio**

- 19.30 †to Vijo Piccolruaz – aniversar
†to Giambattista Crepaz
†ta Clara Nagler Crazzolara

03.08. Mercuj – **S. Lidia**

- 07.30 †to Nani Vittur
†to siur Pire Frenademetz
†ti de Flurian y Lucia Sottara

04.08. Jöbia - **S. Giovanni Maria Vianney**

- 19.30 *degüna mëssa*

05.08. Vëndres - **Prüm vëndres dl mäis**

- 07.30 †tes Petronilla y Maria Valentin
por fam. Ewald y Herta Schenk
por les animes dl purgatore

06.08. Sabeda - **Trasfiguraziun dl Signur**

- 16.00 Mëssa a Oies

07.08. **19^a DOMÈNIA dl ANN C – Festa dla Porziuncola**

- 10.00 **Mëssa por la Comunité**
†to Paul Frenademetz
por fam. Agata Pescoller Valentin
- 18.00 †to Lois Irsara da Castalta
†ti Sepl y Mena Frenademetz
†ti Anna y Vijo Frenademetz
†ta Irma Alton
por fam. Giovanni y Maria Pitscheider - Damez

Dala VITA dla CÜRA

Festa dla Porziuncola – “Perdon d’Assisi” en domènia, ai 7 de agost

En chësta festa pol gní davagné l’induliënza do les condiziuns metüdes dant y conosciüdes.

Al sará ocasiun da se confessé en vëndres do mëssa o en domènia, ai 7 de agost, dan mëssa da sêra.

Comuniun ai amará: siur Degan jará en jöbia, ai 4 y en vëndres ai 5 de agost dales 09:30 inant a proveder.

Garatada bela la Festa de San Iaco y n lubileum dër sintí

Chi de Badia á festejé San Iaco cun gran solenité y fat sintí comunité. Chël é val de bel.

Lapró unse recordé i 50 agn da Prou de siur degan y i 50 de sorvisc de nosc mone Bruno Pescoller.

Porchël él bun y dërt da dí ciamó n iade n gran bel giulan a düc por la partezipaziun y les bries da arjigné ca düc tan bel. Le musical sö Oies, tan garaté, á dé la bona preparaziun, spo la iluminaziun en la Veia á arjigné ca la festa. Ci beles imajes y simboi ch’al fô dlunch da odëi. Spo sambëgn la gran Mëssa solena ciantada y sonada tla dljia bel infornida.

N giulan particular oress siur degan ti dí al Consëi de Cüra por l’organisaziun, sambëgn ala Rita cun düc so impëgn y savëi y beles parores, n giulan ala Musiga (Friedl) y Cor de dljia (organist Paul y Tina), ai atri Cors (Kerygma, Kyrios, Philia y Cor di ëi), ai ministranc y portaconfaruns, ales uniuns; a chi ch’á ponsé ad abelí dljia y calonia; giulan dles aodanzas y scincundes; giulan di sorvisc dl renfrësch da pert di ostis y düc i atri por fá garaté la festa; giulan dles oraziuns; n gran giulan ai Proi che á tut pert. Chël Bel Dî ves paies mirit.

Sciode che siur Sepl y P. Franz n’á nia podü ester ala pert. Ince ad ëi les mius aodanzas.

Spo sambëgn al mone Bruno le gran giulan por so sorvisc de 50 agn y ala Erna (25 agn) y se adorun ciamó tres inant.

Bel, sc’ i un sintí na comunité via y giulan dla testimonianza de fede.

Siur Degan